

լուի շաքար էր զրկել: Նվիրակ Սուքիաս եպիսկոպոսն մէկ զլուի շաքար և մէկ լիտր խնձոր էր ուղարկել պարգեւ: Երեցփոխ աղա Քարամն մէկ զլուի շաքար և կէս ֆունդ ղայֆայ: Փետրուարի 6ին շամախեցի աղա պետրոս Ներսէսեանն եկին մեզ տեսութիւն, ընծայ էր բերել մէկ զլուի շաքար և մէկ ֆունտ չայ. Աստուած շէն պահէ:

Ծաղկազարդ կիրակի օր զՔրիստոս պատարագեցի Յ մանէթ ժամուց եկն, երկուսն ետու կարօտելոց և մէկն ինձ խարճի: Մարտի 25ն չինօվնիկ աղա Ղեւոնդ Վարդանեանն զտակական բաժին մեզ համար չորս գութի ձուկն և մէկ տօպրակ խավեար էր ուղարկել Աստուած շէն պահէ: Զատիկ կիրակի օրն ունէյի մէկ գառն խօրովու արի, գիւղացուց հետ վայելեցինք, և փառս մատուցի պարգեւողին բարեաց: Սպրիլի 1ին եկն Յօսէփ արքեպիսկոպոս և կավալէրն ի Սաղիան քննութիւն եկեղեցականաց. միւս օրն գնաց Շամախի, ընդ իւր բերած էր ձայէթու յաջորդ Սարգիս վարդապետն որ տարու հետն Շամախի. սոյն Սարգիս վարդապետս մեզ համար բերել էր մէկ լիտր շամբալիտ և մէկ շուշայ ոսմ. շէն կենայ:

Յօսէփ եպիսկոպոսն Շամախու մեզ համար բերէր 2 գլուի շաքար և մէկ ֆունտ չայ. արբիլի 16ին գնաց գէպ Շաքի. Շամախու քանի մի իշխանք էյին եկած ընդ Յօսէփ եպիսկ. ճանապարհ ձգելու. մեզ ետուն աջահամբօյր, որք են սօքա կաճկաճով խաչատուրն ետ մէկ ոսկի, աղա պետրոսն մէկ ոսկի, երէցփոխ քարամն Յարութիւնն երկու մանէթ, Մէսարու յուզբաշի յարութիւնն մէկ մանէթ. Աստուած իւրեանց վարձատրէ, փոխանակ միոյն հազար պարգեւէ. ամէն: Յունիսի 2ին Սաղիանու բերել տւի տասը գրվանքայ լաւ զուլ բարձ և դօշակի համար վեց մանէթ վարձ ավի: 5ն յունիսի յաջորդ պետրոս վարդապետին հաննեցին յաջորդութիւնիցն, ի տեղին նորին կարգեցին վէքիլ գանձակեցի տէր Գանիէլն մինչեւ ցնոր յառաջնորդ գալն: 25 յունիսի յաջորդ պետրոս վարդապետն գնաց Սուրբ Եջմիածին: Գասպար բէկն մեզ մէկ գառն էր ուղարկել յունիս 22ին և 20 խիար շէն կենայ: 4 յուլիսի շամախից Գէորգ աղա Գօկչայովն իւր որդի Յակօբ պատանիկն ուղարկել էր վանքս ուխտ լծօփալիս